

Sniég

I napadało kùreszcze!
Biôło na wsë, biôło w miesce
Sedzą w chëczach jak zwiérz w jómie,
Bò wëjachac nie j'dze z brómë

Wszëtcë równo zadzëwiony
Tak-cos w zëmie? Òdgarnioné
Steżenkã ùmiartą mają
A na gminã narzékają

Ti òd rena, òb noc całą
Dzyrskò sniég na drogach pchają
Na wsë to jesz ùńdze kùńdze
Trekra wiedno gbùr wëprzińdze

W miastach je kùńc swiata czësti
Ni mògą z tëch klôtków wëlezc
A wëzërają z blocësków
Królewionczi w wieżach tesknią

Jaż pańc jaczci sã pòjawi
A z tëch smiotów jich wëbawi
Szópë w krómach wësprzedóné
Czosnik, chlëb, miód a cytrónë

Zatacëlë sã w psych bùdach,
Co sã łżëlstwò jim nie ùda
Ò planéce, co sã pòli
Pòwëmroza ekòlogów,

Co za dëtczi robią akcje.
Tëch òd głosny demòkracje
Feminytsczi, tëch òd sądów,
Ceplëch, zëmnëch, z partiów bònzów

Z lewi, prawi a z wëstrzódka
Ładë z Brukselë wichódka
Specjalistczi òd równoscë
Scësna minus òsmënôsce

Sedzą doma a sã grzeją
Sniég sã leno widzy dzecóm,
Bò przed feriama są ferie
A zabawë bùten bëlné

Bùwrónów flot nastòwiałë

Jadą z górków, dze są dało
Mòkré ruchna, mùce, bótë
Pòzamiar'złé w nosach glutë

A krzikają, a są ceszą
Mëmchi późni je wësësą
Minie zëma a zez zymkã
Gaz a sztróm wëswięcą w kwitach

Tedë narôz są òcepli,
Bò mdą lédze na rząd wscekli
Za te zera na rechùnkach
Nie mdze te zapłacëc skądka

Mòże dō to pòrëch jacji
Wcygniëmë w nozdrë tobaczi
A wëwieszëmë na karach
Imùnitetową bańdã...

Póczi wòlnosc w cyber-rëmie
Mòże pisac, co gò grëze.
Równak miało bëc ò biòtim
A tu są czerwiono robi...

Tómk Fópka, Chwaszczëno, 13 stëcznika 2026 rokù, gòdz. 3.36 d.p.